

石倉十代詩選

漢書門類		
三七五	九七	四
函號	架	冊
一四二	冊	架

內閣文庫		
三九	三七	漢
函	四	書
六	二	冊
架	冊	架

內閣文庫		
番號	漢	3745
冊數	142 (121)	
函號	319	25

明次集七十六之九





石倉十二代詩選 明次集卷七十六

孝友堂世稿

後學曹學仝閱

張濬

字文哲 閩縣人 天順三年鄉舉 仕至饒平尹 別號畏齋 因名其集

次鄭司訓詠盆池白蓮韻

石盆數枝蓮皎皎 冰玉宇對之若鉅儒 臨風肅

籥屢於焉湛性靈 謝絕浮塵慮幽香 落酒杯雅


韻生詩句月照盆 水寒誰識花中趣

送茅齋弟同賦風雨連牀

天長寺選

月長氏世高 次集卷七十六

祥





風雨蒲城縣連牀兩弟兄呼兒剪孤燭坐聽難  
爲情夜長風雨何淒切蕉葉梧枝響欲折百千  
里外憶鄉園三十年來話離別迎雲樓中童卯  
時重簷花落夜眠遲共被笑言踏裏裂起來展  
冊爭吾伊秋風聯袂遊京闕回望鐘山入寧國  
敲篷悶對曉翻江催詩靜看寒成雪嶺之南浙  
之東蒼梧望湘水浮萍無定蹤漁火平洲沙漠  
漠征鞍山店樹濛濛瞻雲時得還家約棠棣亭  
臺春灼灼遲遲下虛簾沈沈動清酌歡娛不抵

別愁多強半年光客裏過消得幾番風雨夜少  
年豪氣渾消磨今夕復何夕饒山對岑寂樽酒  
飲不成相看心戚戚子近四十六我踰四十七  
讀書尚古人于世曾何益而今華髮已墮顛爲  
忠爲孝事茫然文希班馬蠡測海道幾周孔階  
升天功名不足昭先哲福慶無由垂後澤北堂  
日影在桑榆爲謁精誠奉顏色言之累百莫盡  
懷四簷風雨還復來竹爐火活新茶熟譙門鼓  
絕殘更催強將巾櫛肅儀觀霽日看看上霄漢



官貧何以贈君歸惟有詩篇滿行擔鄉園到日  
喜忡忡我自寒山守歲窮若是明朝更風雨能  
令我作白頭翁

秋夜詞

松亭涓滴露華清月中兩兩鸞簫鳴聞來縹緲  
亦堪愛不是儂家絃上聲西風吟冷羅衣裳銀  
缸明滅歸洞房依稀夢逐仙舟去聽得歌聲繞  
拒霜

早發雲川

湖白煙光遠山陰月色蒼雞聲隱深樹雁夢落  
清霜羈思縈孤棹行期念故鄉依稀見亭館天  
際晃朝陽

玩新竹

澹月虛窗曉焚香理素琴清冷仙佩下天矯瑞  
鸞吟雨淨枝枝玉風迴片片金相思人不見苔  
上拾瑤簪

到四會

今識綏州地孤城瞰海腰人家盡編竹村巷半



栽蕉墟市三朝貨畚田八峒  
猺喜聞周茂叔遺  
祀在山椒

小樓對月寄廷瑞

樓居梧竹上風細月娟娟  
好景憐今夕佳遊憶  
往年流光銷綠髮舊業負青瑣  
忽聽驚枝鵲幽  
懷倍黯然

青鸞孤影

失却朝陽伴幽樓祇自憐  
露寒凋翠羽風慘落  
金鈿無復毳毼舞空餘  
憔悴眠縱令化爲血不

續舊琴絃

夏晝

當軒嘉樹午拂幙好風涼  
石几龍涎細磁瓶鳳  
爪香撥詩題扇紙試譜解琴囊  
底事巢簷燕飛  
飛上下忙

見孤雁

雲海棲遲樂何堪又自鳴  
一天星月夜兩地弟  
兄情松葉山廬靜蘆花水舫輕  
相看成昨夢惆  
悵若爲平



訪敬所出山留別

嘉會幾三日離情更一杯好山看未徧閒客去  
還來素壁留詩草清風贈隴梅海天今夜月相  
對若為懷

輓海州林學士

吾道人千載空山草一丘無書上封禪有子紹  
箕裘高館芸香老疎簾鶴影秋清風不可邇雲  
樹暝悠悠

舟中

萬事數杯酒百年終日歡移舟白石渡差屐  
煙巒秋色連空碧潮聲入夜寒客懷轉無賴俯  
仰一長歎

江上

自慚疎拙甚十載誤朝簪欲向江湖去難忘雨  
露深逢人無白眼報國有丹心多病愁偏絕樽  
前任淺斟

五王遊春圖為朱揮使廣題

繁華池館艷陽天鸞鳳笙歌列綺筵金塢日融



花對笑玉欄風暖柳貪眠內家長是三千歲小  
酌休論幾萬錢歸騎莫貪鷹犬樂桑麻陌上盡  
春田

進香之京別文範文明弟

思親長起望雲愁遊子今朝更遠遊鄉思一天  
閩海月羈心兩地潞河舟黃裯被冷分書幌青  
草詩成付酒甌出告已題封札在雁來須寄故

園秋

綏城北戰士枯骨如莽予收而瘞之誌以

此詩

白骨縱橫野水濱寒煙宿莽夜飛燐驚心鋒鏑  
生前事埋骨風霜死後身子子遊魂母作厲皇  
皇掩骼豈須春居人莫損封丘土百歲一坏應  
與隣

懷劉水部

咫尺天台萬里脩桃花流水爲誰畱望邊雁影  
青山暮吟裏風聲碧樹秋好憶西湖歸放鶴休  
因七夕恨牽牛棚陰一斗松香酒不換長安萬



戶侯

劉水部臨別索詩不成別後寄此

寥落正當多病後心知又是遠行時縱教強飲  
難成醉勿訝臨岐不賦詩風雨孤舟人去遠雲  
山千里雁來遲依稀博得西窗夢幾度松亭對  
酒卮

過彭澤縣謁陶先生祠

五柳成陰落日遲百年祠廟大江濬若論作宰  
乍來意肯緩休官歸去期典午之間無舊業義

皇以上有新詩浮雲蹤跡寧無愧聖治今非處  
士時

輓新安吳處士

瀟灑林泉八十翁清名落落滿江東碧梧枝老  
琴牀月白藕花寒釣艇風舊社綺黃聯隱牒新  
盟秦晉託儒宗那堪白嶽牛眠地煙樹長封一  
畝宮

登黃鶴樓

醉眸空濶楚天清獨倚危樓覽物情江引巴渝



歸渤澥山延廬岳入荆衡何年笙鶴雙僊會萬  
頃煙波兩岼城赤壁烏林總陳迹臨風懷抱若  
爲平

黃竹樓登眺有懷南雍三進士

江上危城城上樓沅湘東下水悠悠微茫見雁  
青山暮落莫懷人碧樹秋碣石有文畱勝槩壺  
觴無客續佳遊廟廊萬里江湖晚四十年來半  
白頭

秋夜同應先生宴葉生胚挹翠樓

海上羣峰指顧中晴霄拄笏萃文雄小窻月色  
通松逕虛幙煙光護竹叢五夜流虹生硯石半  
窗靈籟落絲桐酒醒徙倚危欄上江漢茫茫思  
不窮

黃田午泊

行舟暫艤港頭沙清夢依稀又到家正好承歡  
忽驚覺數聲溪鳥掠蘆花  
題畫蘭

翠袖衝寒暮倚樓高山流水思悠悠玉人何處



空遺珮月落滄江一笛秋

題畫石

授簡何年訪穀城叱羊無地覓初平曾如艤棹

瀟湘晚水落空江山月明

寄應復軒先生

先生家在鏡川東古木衡門一逕通不省海棠

開幾許欲携樽酒問春風

效唐人宮詞

金箔微開掃玉牀離宮瞰水竹風涼月華滿地

笙歌沸未信今宵更漏長

題商山四皓圖

誰道雲山歸路荒但聞軒冕世情忘悠悠出處

渾難省奇策安劉付子房

晚酌朗吟亭有懷陳德衡

朗吟亭上酒樽深風月娟娟愜賞心為憶元龍

湖海士何由共此朗然吟

早春

細柳纔黃嫩未絲已知春色到疎枝殷勤折贈



歷代詩選 明初詩林 卷之六  
行人別莫待秋風日夜吹

張天顯

字敬中別號巽所畏齋公之子弘治辛酉舉人仕至大寧都司教授鄭少谷先生其門人也

謁南山祖塋

陽春動地來芳原利幽涉梅花霧中奇鳥弄風  
前傑感我雨露懷杯醪灌松葉再拜欲敷言山  
青澗泉列

登高分得留字

歲功成萬寶灝氣澄三秋茲晨值陽九漫作龍

山遊仰翰天宇寬俯瞰長溪流悠然起松風蜚  
露沾衣綢拂石坐苔花長嘯山泉幽興懷千古  
人駕逸不可求夕陽送鴉翼翠靄生林丘主人  
殊愛客折菊分詩籌狂嘯震岩谷斫幘謝靈脩  
薄言歸路晚衣帶餘暉留

訪葉隱君山庄

偶訪雙溪潄坐嘯雙溪屋主人愛客情累日歡  
不足林禽送好音野樹呈芳馥杯傳豐市醕盤  
列春山藪何當蘭桂懷冠冕忘拘束香檀風外



敲潦倒霓裳曲樂極自忘形起向澄潭浴天風  
兩腋生瀟灑出亭毒天隨空五湖康樂閒千谷  
人生能幾何常對樽中醪

聞鷓鴣示鄭繼之

行不得哥哥啼得寒煙漲碧莎楚澤幾風侵枕  
簞江州一雨濕衣羅滿山松桂寧無穴萬里乾  
坤漫有囹詩瘦不禁愁徹骨傷蓬搔首思如何

行路難

太行之道出關西荆匡棘棧跨虹霓行人失勢

推輪轂顛崖絕坂難攀躋鳥聲相喚行不得草

雲黯淡無顏色道逢黠旅坐相談對面危機眇

難測

又

吳城夜發寒山鐘牙檣銅鼓鳴天風挑燈拽纜  
百夫擁愁殺孤舟寄激東激東漁父向客道紛  
紛勢力一時好君不見東門黃犬無人牽市上

屠沽笑絕倒

溪樓感興

歷代詩選

明長天世高

次集卷七十六

七



歷代詩選 明別集 卷之七  
水面無雲鳥與浮却疑鸚鵡有南洲驚濤濯彩  
明星落急管入樓靈籟周萬里江湖憐病骨一  
天風物覺深秋倚欄莫作悲歌曲溪上漁郎也  
解謳

浦城登陸路

建水西頭艤客槎驅車山徑鳥邊斜青嵐樹杪  
看朝嘯夕照城墻隱暮笳野色依稀垂帶草禽  
聲高下落岩花解鞍爲買壚頭酒坐對雲山興  
未賒

過嚴陵祠

白水人收赤伏符先勞物色索賢書暫休男子  
澤中釣又駕狂奴館下車逐鹿臺前無鼎俎富  
春山裏有犁鋤祇今風寢孤松樹猶似當年斲  
睡餘

寄謝姑蘇顧朝列

舟泊吳門百尺樓樓頭雲物爲君留香風遶座  
芰荷滿涼雨入簾林麓幽庾亮雅懷非憚老陶  
潛有子更何求離杯莫動陽關唱久客江湖不



任愁

寄葉懷麓先生

夢入衡陽第幾峰  
蠻煙又隔海天東  
枕柳雨後  
枝枝綠荔子  
風晴的的紅  
案牘不勞鷗  
近榻吟  
樽有約月當櫳  
臺江卷起香山社  
便應淵明菊  
數叢

溪行見萱花草

鵲觜風和露  
葉柔多情相對更  
忘憂雲山萬里  
頻回首一片征衣  
百線愁

題小景

東風送雨入青原  
一片花飛一片雲  
中有幽人  
懷獨達楚蘭歌  
徹許誰聞

張元秩

字經世 吳所公之子也 鄉舉 仕至寧波府通判 別號恒谷

少婦行送王遵岩左遷

攬衣望明河  
玉繩低回光盤拏  
青松枝白鶴來  
翱翔妾夫自年少  
意氣凌蒼茫  
朝飲射洪爐  
暮宿紫雲牀  
白馬赤茸鞞  
陌上何輝揚  
妾本名家  
女不解時世  
妝羅衣白玉珮  
素質瑞麟香  
機頭

歷代詩選

月長氏世高

次集卷七十六

十三



工織素一日二尺強欲採園中葉婦人不下堂  
欲採陌上樹原蠶禁柔桑夫心凌風葉向背苦  
不常弃置在色衰妾已悲年荒征鴻報霜後四  
壁鳴寒蠶婦人自有分料理夫衣裳

掃雪行

長安雪花如掌大朝回騎馬花爲蓋玉宇瓊樓  
高更寒荒原敗屋情何賴日暮天低酒旆愁雪  
煎一椀欺公候表安閉戶胡爲爾戶外紛紛埋  
馬耳市兒執箒除道忙吁嗟爾腹朝無糧朝無  
糧勿復語爾不聞關西將士凍欲死

西湖放歌行

西湖水清清見底浪暖沙暄雁雙起雁飛不落  
稻梁田弋人慕爾徒紛然賈生磊落美少年才  
如羽箭乘風前長沙宣室淚濺濺何如樂聖稱  
世賢爾衡之才能擊鼓屈子思歸作漁父虔州  
酒稅名不虛至今文彩生圖書深淵大澤藏龍  
魚西郊雲密將何如西湖水清蘆葉疎胡不澹  
此芙蓉渠蠙珠或有當前車夜光不發空爾思



冬日遊海印寺

新寒凌翠袖散步入禪叢  
海印何年寺輝煌紫陌中  
煙分兩岬澗霜滑一橋通  
可是浮圖麗玲倚太空

李雲岡

憐爾雲岡子飄然思若仙  
春風黃憲渡夜月子陵船  
留滯江湖遠音書夢寐牽  
京華虛木榻遲爾未教懸

送雲泉嵩南二子歸閩

秋水下蘆溝芙蓉對晚愁  
夕陽共仙棹樹色望京樓  
結綠黃金榭驂驪白玉鈎  
風塵迷驛路嗟莫暗中投

出郭

出郭聊行樂閒情轉自悲  
風霜驚歲晏客髮尚天涯  
老穉迎暄立田園啄雀飢  
歸來掩書卷兀坐意遲遲

聞笛用北峰韻

筓曲傳胡塞流商悲至今  
鍾情滄淚滿別恨歲



華深謾按雌雄節誰傳子午音西風怨楊柳搖  
落客邊心

讀騷

此懷長不寐持以問乾坤銀漢無孤棹神龍有  
九闔詩書終發冢戎馬未開門永夜歌漁父難  
招楚客魂

雨爽范菁山官舍

衝泥到官舍聽雨理楸枰踈懶機關少縱橫白  
黑生花溝流水急草屋敗垣驚鴻鵠雙雙下知

渠眼獨明

新晴與象庠諸生論學

採芹盤澗曲瀟灑客衣單雨淨潮翻白梅踈山  
更丹詩歌鏗玉磬禮樂話金鑿幸與官滄海同  
君一食簞

秦陵陪祀

鼎湖雲遶竟難攀陵寢巍巍霄漢間玉匣光收  
龍虎氣瓊欄斜倚竹梧斑中興猶落蒼生淚物  
候應悲 聖主顏陪祀儒臣哀獨壯蕭蕭風露

歷代詩選

明長天世高

次集卷七十六

六

可



歷代詩選 卷之十

下西山

孔庭古松

怪特孤松倚殿前  
風霜歷盡不知年  
寒聲瑟瑟喧秋夜  
古色蒼蒼照暮煙  
勁氣在天元不老歲  
寒得此尚依然  
人間草木爭奇縹  
憐爾光華俎豆邊

武侯原孝襲爵歸嚴書贈

碧溪溪上今風雨  
宿草難忘夢寐間  
獨傍雲霄看玉樹  
依然神表立金山  
花明虎帳新生色  
日

暖胡塵亦滿關  
好伴青春敦禮樂  
漢臣名實重樓蘭

輓李鶴軒

白虎闈中羨阿郎  
歸囊忽爾思徬徨  
愁聞逸叟玄裳鶴  
已駕仙家碧玉房  
永夜月明舟壑靜  
空山雨冷竹蹊荒  
少微星落詩筇卧  
寂莫煙雲鄉老鄉

和王晴川卽事

朝廷本意備諸戎  
鐵騎長戈控大同  
豈為棘門

歷代詩選 明長氏世高 次集卷七十六 七



成禍首翻然輦鼓動雲中  
閭閻日暮風煙慘  
頓天寒劔戟通  
聞道總戎蛇鳥陣  
列營祇在代西東

贈王伍二同寅陪祀

武皇陵寢接雲城  
瞻掃真懸雨露情  
長憶六龍回紫極  
猶餘八駿繫朱纓  
孤高陰殿含秋色  
想像神威動遠征  
宦孽已誅遺詔下  
百年江漢淚縱橫

晨入太學追憶晴川昔遊情景惘然賦此

司直堂階落木陰  
故情回首淚沾襟  
清樽開處當明月  
古調看人長道心  
寂莫獨攤嘉樹傳  
風流誰嗣廣陵琴  
孤兒寡婦南歸棹  
萬里寒江煙霧深

聞浮峰第唁予候久不至

報爾辛勤訪老兄  
炎天七月到神京  
連牀擬共今宵雨  
短燭猶虛昨夜明  
已辦霜刀飛鯉鱠  
更分春色倒銀罌  
北堂喜佇南來目  
白馬今過第幾程



歷代詩選 明 謝 岳 林

送姚子敬教錫山

巖瀨論文意若仙  
長安笑語共風煙  
忽看此日琴書遠  
未道他年夢寐牽  
泰伯孤城秋樹裏  
東坡小墅太湖邊  
雅文雅節君須振  
北雁南魚謾惘然

翠亭

小亭長日白雲浮  
樹色平臨萬壽洲  
童子近花能弄鶴  
高人垂釣不驚鷗  
松林含月娟娟淨  
竹塢移樽事事幽  
羨爾阿郎能養志  
亭前玉珮韻

脩脩

送方平洲節推廣州便道省覲

輝輝海日白雲城  
萬里寧親共此行  
南國煙嵐明墨綬  
窮荒日月寄書生  
亭開遲翠松筠好  
官近羅浮夢寐清  
旌節人疆如問俗  
陽山兒子總韓名

送蘇雪江任桂林

湘灘流合始安州  
落日千家煙火浮  
天遠星辰聯貫索  
山空雷雨動窮陬  
異魚水漲湖塘月  
金

次集卷七十六 七



歷代詩選 明張氏古本  
粟花明楚越秋簡訟只今懷舊俗韓公閉閣合  
深憂

寄鄭沙村

不見平生鄭東谷越南春色動遐思堂齋衾枕  
當深夜霄漢經綸看此時九野雲浮淹遠夢四  
明花發滿寒枝多君愛我真成癖到處逢人說  
項斯

送浮峰弟

西北天高風色寒少微旌旆出長安禰衡才大

能岑服杜老名高合鵬冠春草幾移風雨楊垂  
楊又據別離鞍征衣縫處憐遊子斜日孤雲細  
細看

秋興

山東河道荷戈行聞說滄洲亦募兵守令未遑  
圖保障將軍誰復作干城田疇禾黍悲羣牧天  
漢星辰應列營節鉞急須乘小虜君王西北重  
憂情

七里潭邊繫孤艇幽棲長傍子陵臺潮平風急



魚龍動木落星寒天地哀揚子交情能問字山  
公具眼解憐才勝遊舊事今如此獨夜凭欄聽  
落梅

石門洞口少年過之子青雲共浩歌樂處江山  
惟夢寐舊時風雨竟如何混元獨立招玄鶴甌  
越相携訪白鷺二十餘年一回首秋風蕭颯淚  
滂沱

月夜飲歸全凌王二丈

星月熒熒度禁林長安歸騎共知音天機萬古

馳昏曉薄俗何年謝陸沈縹緲風煙明靜夜文  
離事業愧初心梁園漢苑皆才俊佩玉橫金少  
滯淫

春日同北峰登鏡光閣因訪鐸上人相遇

觀盆中素馨

此日同君登快閣溪山正是放花時故鄉異藥  
驚愁眼終籍農人治遠陂禁苑峰迴瞻日近蘿  
房春靜見僧遲巾鞋幸少泥塗累拄杖穿雲隨  
所之



遊金峩寺

桐梓花繁春事過。看山中屨入金峩。飛飛瀑瀉  
哀嶽切。渺渺雲征遠岫。短褐溪翁供紫蕨。長  
竿穉子浴黃鶩。今人指點流傳賦。盧橘柴扉已  
減磨。

輓王晴川

平生雙眼無長淚。淚到丹旌眼欲枯。渺渺江山  
回獨鶴。淒淒風雨泣雙雛。地曹事業青冥上。司  
直聲華北斗孤。後夜思君憶顏色。半庭寒月在。

蒼梧

輓月塘

文星此夜掩寒光。門巷雲開草色荒。秋浦祗應  
哀落雁。春堂空復靜琴張。孤高古道懸山斗。江  
海歸雲度渺茫。賈誼平生懷遠志。竟將流淚謝  
君王。

石倉十二代詩選

明次集卷七十六

終



歷代詩選  
明次集卷七十七

明次集卷七十七



石倉十二代詩選  
明次集卷七十七

石倉十二代詩選

明次集卷七十七

古直遺稿

大明

壽光劉 琳著  
後學曹學佺閱

山水圖

老龍夜泛東溟側  
洶湧西來成崩崩  
層巒疊嶂護蒼煙  
浩蕩江湖凝黛色  
垂流飛瀑交琤琮  
山光水影含姿容  
漁艇縱橫遠復近  
飛鳥滅沒江天空  
方恨無緣結鷗鷺  
畫中忽閱滄洲趣  
頗覺良工獨苦心  
天機盤礴精毫素  
憶自渾沌初開

歷代詩選

明次集

卷七十七

一

可



時乾清坤濁分兩儀其中消息杳難見至今渣滓稱神奇畫工那知此吾儒應自識滾滾浮雲變古今濛濛碧霧生朝夕嘗聞人世有天台又聞仙境有蓬萊赤城霞嶺空崔嵬賣藥老生安在哉百年蹤跡嬰塵埃軒車却畏清猿猜青山綠水應無媒日暮悵望雲裘回安得長風九萬里明月五湖歸去來

題畫

四面芙蓉插天表千歲喬松青正好落花流水

景中人石逕迂紆車馬少茅堂八柱盤其間玲窗大敞門不關蠟燭宵然騰絳燄珠簾暮捲對南山南山有月明于鏡主人心事澄波淨回頭看月看不休古月今人那有定月兮遠看如朦朧近看豈異水晶宮我願我心同此月絕無纖翳存胸中

古栢寒泉

徂徠山中有古栢枝柯千尺連雲碧鱗皴偃蹇龍蛇姿孤直深爲人愛惜廬山山頭有鳴泉鳴



珠濺玉白漫漫青天一望在水下浪花洶湧玻  
璃寒栢兮泉兮何清潔崑花澗草難同列眼前  
此景非人世雅稱中宵對明月

三老圖

此石有古意此泉無新聲此松生來已千歲歲  
寒三老同爲盟我昔西上崑崙頂濯足滄浪千  
萬頃東看秦嶺五大夫枯枝亂走蒼虬影歸來  
貌作三老圖生納一幅雲模糊有時挂向素壁  
上胸中一點塵氛無

紅梅圖

天生本是冰霜姿縞衣不受纖塵緝何事東君  
厭清素一宵幻出珊瑚枝園林陡覺春意別千  
株萬株飛紅雪莫憐醉骨已如泥要使丹心常  
似鐵

騎牛圖

三月山城雨初霽林木陰森足人意萋萋芳草  
高原中溶溶流水蒼苔際而此遊者屬何人蒲  
山公子龍蛇身漢朝四百年間事黃牛背上書



歷代詩選 明登文和 三  
聲頻聞來一鞭擊牛角懷抱紛紛常作惡東都  
有策萬言多大事難成終落莫我觀自古大丈夫  
遺臭流芳真兩途乃若元邃深可歎千秋徒  
把青編汗

四皓圖

層巒萬仞高如轟雙玉泠泠瀉寒瀑長松不改  
四時青瑤草琪花競芬馥憶從辭家避祖龍崑  
前歲月隨冥鴻山童已報花成實仙籙未啓雲  
爲封枯棋三百勢難測一著全羸歸羽翼喚醒  
當天老赤虬坐令四海噓炎德

山水圖

東臯東望山嶙峋山頭霞綵明朝曛鷺鷥數箇  
白如雪點破空青萬頃雲重重綠樹波光裏波  
光浩渺過彭蠡中流一棹者何人蒼茫似畏西  
風起點簡舟中舊所藏莫教墮落風濤鄉風濤  
初不在平地斯人回首何遑遑我皇聖德齊  
天壤太平治化元無象來往登山航水人萬里  
安行如席上



畫鴿

畫漏沈沈下高閣。簷簷半畝香雲合。太湖石畔  
水澄澄。滿貯金盆浴飛鴿。鴿性由來最易馴。羽  
毛鮮好堪怡人。雪翎烏尾錦作背。畫工畫此何  
太真。記得當時王相會。一放一祝三千歲。繫足  
能傳子壽書。入懷那解司徒貴。一朝賈客便生  
涯。盤旋隨上滄溟槎。任教年來復年去。萬里還  
歸舊王家。

天山水畫

層巒疊嶂高嶙峋。青溪碧澗波粼粼。堂亭寺觀  
不知數。市廛隔斷無纖塵。迢迢有客泛孤舫。一  
葦凌空放雙槳。儼如仙子御風行。煙霧中間互  
相訪。依稀疑是終南山。坐者揖者咸衣冠。採藥  
每將巾舄濕。共談那解天壤寬。是誰好事留斯  
跡。安得其間一棲息。瞻彼春空一片雲。爲霖有  
意人難識。

大魚圖

長風海崢嶸。立百川如沸。天吳泣。赤鯉橫霜。



怒浪掀三十六鱗當水擊揚鬚鼓鬣闢鴻濛  
介常鱗應伏匿乾坤浩蕩古今浮煙雲只尺風  
雷夕葛陂竹化事無憑豐壤劔沈人已昔琴高  
跨背亦渺茫子英騎角空騰躑何如錦鱗三月  
春桃花浪暖逃雲津天下蒼生望霖雨一朝變  
化蘇呻吟

文會軒

三槐後裔皇家客蕭灑襟懷美風格生平雅好  
殊尋常不向繁華尚清白禁城東面都衢西高

居大廈連雲低就中一軒號文會子史經書羅  
四圍明窗淨几絕塵俗奇花異卉堪娛目五侯  
七貴追逐來學士先生常覓宿酒肴羅列開綺  
筵濶論高談無後先不知方來千載下不知盤  
古羲皇前歌詩翰墨成淵藪篆籀鳥跡雜科斗  
鍾王筆法鬼神驚晉唐繪事無不有東君坐卧  
不此移朝回退食無閒時歌罷鳥鳴歌麗澤芝  
蘭謹重芳名馳我居黃扉密勿處可憐此會未  
得預張良范蠡笑人癡行應叅透黃梁趣



竹

自古高人偏愛竹常向軒前看未足眉山蘇子  
筆如神洋州老可曾相熟東麓藩垣有卯君等  
閒濡染生煙雲儼然如到嶰谷上金刀截斷蒼  
蒼紋莫說淇園春雨霽此君在在增佳致帝子  
啼痕色尚斑丹陽徑造留深意三更月上照寒  
陰孤稍化出虬龍吟世間草木敢相抗直節清  
風照古今

大韶山水圖

江南之山倚南斗根據蜿蜒幾千畝懸厓峭壁  
重復重若坐若立還若走江南之水環南都洶  
湧周廻爲具區包天括地深無極雲帆雪浪相  
縈紆水流山峙多清氣鍾出高人自拔萃平生  
愛住山水間養高不爲形骸累崑前空翠飛濛  
濛小橋不與周達通房櫳半出長林外人聲多  
在雲煙中好景靜觀皆自得著書老却龍鱗栢  
昨夜虹光射斗牛山靈放出文章伯獻策御前  
誇第一詞林更轉春坊秩莫將山水匿胸中普



施霖雨蒼生筆

太常簿劉明遠山水

奉常司幕吾宗喬愛水愛山兼愛字手持一幅  
鴛溪絹或濃或淡煙雲氣遠看淡淡近看濃暮  
山紫兮曉山紅一灣楊柳依稀外無數人家杏  
靄中平橋過去波濤惡何處舟來無住著空青  
萬里炯雙瞳汀花岫草今猶昨林巒深處開茅  
堂四時佳景非尋常吾宗依此有新構左圖右  
史羅中央八窗四面皆真景歌罷滄浪動深省

門前車馬任紛華還我胸中常耿耿

山水秋景

銀河倒挂青山頂蒼虬偃卧芙蓉冷煙巒深處  
起樓臺雙雙人在蓬萊境我觀斯人非避秦韜  
輝伏耀全天真盍簪愛話無生事恐教名利縈  
茲身霜葉林邊秋色映桂花香裏行厨淨彈琴  
惟取古為音漉酒還將清比聖逍遙此樂人間  
稀潔已由來世所譏只今四海皆樂土不羨羊  
裘釣石磔



王舜耕山水送任章南遊

世傳南畝丹青好筆底天機不草草疊嶂層巒  
點染間只尺芙蓉插晴昊白雲漲雪落溪中溪  
流宛與仙源通波光水色互掩映煙霏霧靄紛  
濛濛雞不鳴兮犬不吠山人不識王侯貴茅簷  
旭日上三竿借問此時曾起未一聲啼鳥春晝  
長門前綠樹森成行竹籬苔徑輪蹄絕臨風坐  
落松花香蒲東任君有高致此景分明在胸次  
人間山水已熟看只今又欲浮淮泗淮南山水

天下奇我生時時夢見之少年失脚紅塵裏縱  
有高懷何所施幾時得共任君約西上崑崙東  
岱岳滄溟灩澦徧遨遊半世塵纓須淨濯

山水畫

江上好山開畫屏山上古木參空青飛流直下  
幾千尺征鴻南去秋冥冥津口誰人遠呼渡桂  
楫搖搖那肯顧飄然謝却利名場海濶天高何  
所慕君不見輪蹄袞袞紅塵中五侯七貴徒其  
雄何如此客滄江上一曲高歌山水風



夏日即事

紫禁沈沈清晝永  
 天上蓬瀛隔塵境  
 春風披拂  
 萬年枝玉砌  
 葵花傾日影  
 九重勤政念羣臣  
 親見恩波出內頻  
 絲縷五文頒  
 煥爛朱櫻萬顆賜  
 圓勻荷開太液香  
 迎輅幾點開鷗紆  
 聖顧詞林  
 擬獻清暑歌  
 尚方又進金莖露  
 小臣飽食荷恩  
 光正憶鋤禾農父  
 忙田間翹首望霖雨  
 願借天瓢灑萬方

松亭避暑

燭龍南來正亭午  
 赫赫炎威徧海宇  
 洞門任是  
 絺綌輕揮扇  
 難勝汗如雨  
 維時鳳輦出彤闈  
 一  
 亭暫憩光霏微  
 陰森五鬣搖朱戶  
 滿前忽訝蒼  
 龍飛清風時從天外起  
 清氣重添綠陰裏  
 憑軒  
 頓覺炎焰消襟抱  
 倏然涼似水  
 玉壺澄澈瀉冰  
 漿沈李浮瓜興味長  
 願裁巨榦成大厦  
 盡庇四  
 海俱清涼

海子觀魚

太液春回水欲泮  
 東風暗卷流澌散  
 赤欄橋外



新雨過巨浸微茫接銀漢曉日晴分蘋藻煙落  
紅蕩漾隨清漣遊魚作隊不可數與波上下情  
悠然波間潑潑鱸與鮪亦有鯨鯢兼鯉皇  
心見之良獨怡更命瑤牀近寒泚太平時節生  
意多物情應與人心和周文沼上樂於物千載  
靈臺同此歌


御堤煙柳

東風二月午門曉紫禁暄妍暖雲繞玉河堤畔  
赤欄橋高柳依依得春早柔條裊娜百尺垂蘸

水點破青玻璃晴煙一抹鎖深碧曉色正與春  
相宜臨風忽報黃鸝轉入望濛濛無近遠鮫綃  
帳薄疑未收翡翠簾輕不堪捲日高頓覺散清  
陰無限韶華連上林紛紛萬卉足生意自是  
皇家雨露深

夜月聞砧

八月九月秋氣高長林落木風蕭蕭白苧秋深  
不堪著輕寒欲試新剪刀城頭霜飛露華濕城  
下寒蛩啼更急當戶誰家搗練聲風高不礙重





歷代詩選 日盛文才  
城入千杵萬杵聲未停已知力倦心怦怦天清  
月冷幾人語塞北江南今夜情不怨搗衣寒苦  
早惟願著衣人不老萬里歸來未有期昨日官  
家頒絮襖

中秋賞桂

秋風瑟瑟天宇清三五良宵秋氣平嫦娥捧出  
玉臺鏡山河大地增光明廣寒彷彿開宮殿桂  
影團團月中見霓裳一曲聲珊珊疑是瑤池啓  
華宴銀蟾散彩流霞觴金粟萬斛來天香清景

邀人不成寐詩成月落參低昂吁嗟仙種自闕  
闕分付嫦娥好培植莫遣吳剛得浪侵畱取清  
芬播無極

松逕秋聲

紫苔繞徑塵無迹鬱鬱高松挺秋碧金氣正驕  
風滿林渾如萬壑波濤激又如曉日蛟龍吟翠  
雲蕩漾江中心倏忽風微更堪聽冰絃操出重  
華音蓬萊宮闕五雲渺鳴鶴寥寥動瓊島鸞輿  
時作靈臺遊應喜秋光在林杪風停聲歇天宇



歷代詩選 卷之五 五言 五言 五言 五言 五言  
清政成刑措當昇平玉署小臣拜恩詔作詩媿  
比歐陽生

元夕觀燈

禁城午夜春濛濛火樹照人如鏡中六鼇移山  
向瑤島紅鸞下繞明光宮條風東來送新暖低  
颺香毬動黃繖九重金闕倚岩堯四面紅雲簇  
簫管宮闈更欲親承歡綵棚十丈空中攢隨山  
移仗不知曉應制還催供奉官五朝故事傳來  
久樂與民同上元酒想像先皇得衆心尚有燈

詞播人口太平喜是百載過邊燧不驚天氣和  
古來張弛皆有道賞心一日非爲多

東風解凍

去歲都城三尺雪御水潺潺凍全結半夜春從  
地底回一片菱花暖初裂東風著水水不知穀  
紋細細搖清漪退朝閒步石橋上流澌半入昆  
明池柳眼初青照堤岍蕩瀟波心影凌亂青陽  
杲杲射員沙幾簇魚苗聚還散太乙東皇隨斗  
行韶華拍塞皆春聲臨流攬勝心獨喜物色變



態如有情天潢自是得春早坐想八方春更好  
航海番人入貢來萬里川光淨於掃

芝嶺春雲爲楊維新賦

醉把仙芝看商岩采處頻翠莖猶帶露紫蓋不  
霑塵豈是充飢物端爲上壽珍玳筵雲不散共

祝百年人

輓國子丞侯丕先生父

見說遺菴老常年卧白雲詩吟長短句書閱古  
今文遺行人間重褒章隴上焚橋門有賢嗣師

道續河汾

柯谷耕雲

買得柯山百畝雲春風谷口樂耕耘率牛人向  
村前去扣角聲從隴上聞野鳥祇知催布穀隣  
翁不解誦移文向來方寸多餘地畱與兒孫次  
第分

王維瞻塔山歸隱圖

白髮催人不肯饒辭官歸去伴漁樵青山如畫  
曾相識黃鵠高飛未可招束我舊書還舊隱看

卷之七 詩集

月劃文口

次集卷七十七

古

六



他塵世競塵囂池頭有子當年少染翰時時獻  
帝堯

輓成國公

四十餘年列上公春風細柳見英雄曾將劔戟  
扶明主慣擁貔貅任總戎名播斗南層漢上魂  
歸塞北遠山中只今史館多才俊解寫凌煙第  
一功

送戶曹正郎馬兄德源之宣府管理軍儲

兼東殷都憲

堪嗟一別隔三春王事驅馳不顧身休訝胡塵  
飛漠漠只教邊廩積陳陳皇華北首憐君苦白  
雁南來慰我頻煩語故人殷總制屋梁斜月數  
傷神

送劉世英南京太僕

鴻臚傳罷第三聲從此朝臣識俊英東觀紬書  
前太史南雍造士少司成已聞舊學名方著正  
愛環滁景最清當宁賜麻應不久暫將罔命命  
先生



送浙江僉事劉餘慶

黑首承恩白玉階外臺元自內臺來都人尚識  
風霜面朝士同推梁棟才獨鶚飛時秋氣肅雙  
旌行處瘴煙開豸衣猶是朝中賜不着東南半  
點埃

贈景昭叅政江西

朝回共我數飛觥最喜黃門有盛名草到奇時  
鸞鳳舞吟于苦處鬼神驚近來猶誦庄時疏遠  
別難爲倚玉情後夜相思凝望處文星高照豫

章城

送岳方之興化

翰苑同年少一人城東出祖倍傷神高才雖不  
登樞要清望端能動縉紳西徼歸來緣有命南  
州謫去果何因嗟余久負容臺祿擬向林泉老  
此身

送徐仕亨復任荊門

二十年前已識荊荊州今復去專城柳條解綰  
離人恨河水長流故舊情關下有人推孺子江



南到處說徐卿也知騏驥終騰踏高駕雲車天  
上行

慶致仕閣老商先生壽七十

當代明經第一人強年高步上星辰錦袍玉帶  
兼三秩白石清泉度七旬謝却鈞衡娛暮景歸  
來桑梓樂長春茲辰茲會遙相憶南望南天祝  
頌頻

送光祿寺卿李君之南京兼柬王宗貫

而我相交三十霜長年聯珮筵駕行芳隣舊接

金門右尚寶常擎御座傍最喜遷官符衆望更  
憐將母過仙鄉南都想會王司馬雲樹相思不  
暫忘

題扇

班姬新製剡溪藤似玉無瑕雪有稜五夜蟾宮  
開半壁三冬鮫室剪輕冰我于用舍諳時態人  
向炎涼有愛憎爲喜清風故人意幾回題贈愧  
無能

贈授業劉先生致仕還吉水



秋到梧桐暑氣清  
樞衣隨步出都城  
五千里外思鄉夢  
二十年前立雪情  
粟里有人邀社飲  
海鷗何事傍舟行  
從今不上紅塵路  
坐看諸郎學鳳鳴

安溪僑叟爲張簡討賦

溪上茅茨屋數椽  
春雩秋社自年年  
窗含鼇背千峰雨  
簾捲波心萬頃煙  
柳逕有時緣客掃  
竹牀長日抱雲眠  
白頭自分無人識  
不解詩名到日邊

送秦觀郎中叅政雲南

眼底羣僚獨數公  
除書又出大明宮  
人辭薊北層霄近  
路入滇南萬里通  
荷葉擁舷秋滴露  
桂花明旆晚生風  
逢時已自叅藩省  
好竭丹心答聖衷

題王宗貫西園清隱

出郭西行二三里  
園林佳處足投閒  
軒開紫陌紅塵外  
人在清風明月間  
當面好花開簇簇  
繞牆流水響潺潺  
笑他名利場中客  
到此能無一



愧顏

一鷺圖

芳草垂楊蔭碧流  
雪衣公子立芳洲  
一生清意無人識  
獨向斜陽歎白頭

劉時用枯木竹石

蒼龍夕挂千尋影  
彩鳳朝聞十里音  
月夜風朝我曾見  
太湖石畔蘚痕深

小景

羅浮夢斷夜窗虛  
一曲焦桐樂有餘  
從此南枝

消息到梅花如雪徧庭除

山禽

滄洲深處獨依依  
覓食秋原飽即歸  
塵世小兒偏害物  
等閒休向五陵飛

魏時敏

莆田人有竹溪集

塞上曲

笳鼓起城頭  
烽燧上戍樓  
風旗翻朔霧  
霜劍帶邊秋  
瀚海兵聲合  
陰山殺氣浮  
不因橫絕漠  
何事更封侯

歷代詩選

月

劉文和

次集卷七十七

九

甫



歷代詩選

明魏竹溪

塞外秋塵起關中夜柝聞連營通漢水擁騎入  
胡雲月照瑯弓影霜埋古劔文軍中振奇策滅  
虜報明君

秋來霜滿塞天迥雁臨關白骨沙場裏黃雲隴  
水間草荒鵬影疾烽靜戍煙閒日落邊城暮將  
軍獵未還

萬里烽烟淨三邊雨雪晴暮笳清有韻寒鼓濕  
無聲鐵甲埋霜重金戈映月明旄頭看漸暗四  
海樂昇平

除夜有感

迢遞離鄉國蕭條感歲華宵聲悲鼓吹月色浸  
梅花殘曆愁中盡流年夢裏加親闈千里隔回  
首重咨嗟

南溪爲許上舍廼弟題

高人真雅淡卜築傍幽溪碧草侵階長青山入  
戶低華源應只尺流水自東西讀罷無餘事春  
風聽鳥啼

山水圖爲錢塘周士廉作

歷代詩選

明魏竹溪

次集卷七十七

三

甫



佳氣接蓬萊衡門掩綠苔山深雲自合江漲浪  
初回帆影歸漁浦灘聲落釣臺畫圖殊有興千  
里共徘徊

詩人秋夜有懷寄楊大使

孤館涼風發長天白雁過旅魂秋易斷鄉思夜  
偏多野曠雲連樹江寒月浸波不知揚子宅秋  
興近如何

皇都別意送張主事外父還蜀

送客出長安離懷不可攀纔傾燕市酒又向蜀

江還鳥道寒雲裏猿聲積雨間家林應有待松

菊繞南山

寄徐齊統

旅館秋風早官城樹色微長天南雁盡尊酒故  
人稀落葉鳴幽戶寒蟬噪夕暉相思何處是惆  
悵暮潮歸

送泉上人歸眼明寺

遙入圭峰寺長吟送遠公經翻蕉葉古雲散竺  
門空飛錫臨天外看山想洛中不知禪寂地松

歷代詩選

明魏竹溪

次集卷七十七

十一

心



偃幾枝東

樵樂

礪斧臨溪石尋山度嶺雲林深芳樹合澗轉野  
泉分細語聽猿嘯狂歌散鹿羣不知城市裏何  
事日紛紛

貧交歎

閒居無客到寂莫掩衡茅官懶終成癖家貧易  
絕交桺殘鶯不語松老鶴還巢世事皆如此何  
須賦解嘲

題寶珠菴

不到曾遊地如今又幾春雲歸雙樹老門掩一  
僧貧潮水寒侵岼沙村夜見人清樽誰是伴喜  
有霍家親

送朱琴友之戍海南

携書兼帶劍未必事班超暫向天涯去休辭故  
國遙蛇珠生暗隴蜃氣積寒潮別後知相憶琴  
窗謾寂寥

題湧泉岩

歷代詩選

月鬼竹溪

次集卷七十七

十一

心



再入招提境蕭條異昔時流泉分古澗荒蕪上  
殘碑門掩花空落人閒鳥不知那能招惠遠重  
與話心期

建溪卽景

山春雲漠漠溪晚雨霏霏投驛經村店防灘識  
釣磯客情隨路遠鄉念去人稀寂莫芳林下漁  
郎摘笋歸

輓平城王戶侯

唾壺敲未缺華表鶴重過一將英雄盡三軍感

慨多城笳悲落日營柳掩閒戈戎馬經行處空  
聞野鳥歌

送遊學人歸德化

曾立程門雪如今易已東愧無隣舍酒獨送海  
天鴻村迥梅花白林疎柿葉紅他年看二阮霄  
漢醉春風

終慕

西墅頻勞夢北堂久不過夜寒蟲蠹簡春冷鳳  
停梭草木傷心盡江山灑淚多焚黃應有典早



歷代詩選

明發

十一

晚到岩阿

送歐司訓之潮州

共喜之官處離家路不遙雲連閩嶺樹城壓海  
門潮村暗榕陰合江清鱉氣消故鄉舊知己大  
半是同僚  
清得廣文羶貧無負郭田欲償沽酒債只覓賣  
文錢書卷消長日才名稱少年定知潮海上買  
盡剡溪箋

山水圖

看畫情偏遠題詩興不慳漁舟歸晚浦僧舍  
秋山樹色微茫裏鐘聲杳靄間何年謝塵鞅結  
屋此中閒

龍泉古刹

石罅久潛龍泉鳴古刹東秋燈林影外夜梵磬  
聲中縱醉同陶令談經憶遠公題詩舊塵壁休  
用碧紗籠

石印回瀾

鵲化曾推的遺踪今尚存纍纍封曉霧泱泱浸

次集卷七十七

古

古

古

古



雲根晴影秋臨棹寒聲夜到門政成尋舊隱洗  
耳聽潺湲

送人使朝鮮

雙旌擁使車雲海舊方輿異域孤城小玄菟萬  
里餘久諳中土語兼讀大唐書會見承恩後瞻  
星拜玉除

和劉一能除夜韻

梅花送殘臘草色報新年客夢雞聲裏鄉心雁  
影邊髮隨時事改酒爲故人延却憶滄江上蘆

花隱釣船

百樹送青六景爲鄭侍御題

石罅無樵採春深剝綠苔孤雲將暝去羣樹送  
青來晴靄琴書潤陰森鳥雀回醉吟看不厭何  
處有蓬萊

石姥晴雲

曉霽雲飛濕山高鳥度遲客登石姥嶺人禱偃  
王祠嵐氣分晴靄林光淡碧滋何年一臨眺磨  
石醉題詩



江村沃壤

積雨暗江村溪聲到處聞  
幾家依綠樹千頃熟黃雲  
負郭真堪比汶陽何足云  
東坡今寂莫稼說有移文

和王文偉韻

玉宇淨悠悠山河一氣秋  
鐘聲林下寺燈影水邊樓  
老去仍青眼吟多易白頭  
還思爲客處梧雨滴鄉愁

好景亭前月宜休苑內秋  
有田皆種秫無竹不

當樓楓落思吳下梅開憶隴頭  
明年花發處一醉破春愁

水南絳帳和鶴洲主人韻

故老傳經日諸生立雪時  
餅香人送酒門響客催詩  
白髮經秋短青燈坐夜遲  
河汾有遺稿讀罷一興思

寄周鶴洲太守

風雨越江邊郵亭對夜眠  
鄉心孤島迥客夢一燈懸  
論舊懷他日談詩記往年  
離魂將別夢幾



度到臨川  
村居掩薜蘿歲月易蹉跎五馬經年別孤舟幾  
日過雀聲喧白晝鷗夢落清波誰在黃堂上同  
聽五袴歌

琴尊度歲華清興浩無涯野寺多逢竹江村少  
見花沙浮鷺立鶻池小聚鳴蛙欲向金門去雲  
山路轉賒  
未去畊南畝先來卧北窗詩清秋入寺酒渴夜  
臨江雲樹思千里煙霞滯一邦離心將欲寫安

得筆如杠  
江鄉無舊業霄漢有新知身病仍耽酒家貧易  
廢詩梅開人別久書寄雁來遲寂莫江樓上孤  
懷動遠思

寄姑蘇劉欽謨史館

倦翮已投林清風醒醉吟江沙粘野艇樓月照  
秋琴泉石盟方固朝廷恩更浚何時得乘興移  
棹過山陰

送吳使君服闕之京



歷代詩選 明魏介溪  
柳色映離筵春陰咽管絃孤琴曾入蜀雙旆早  
朝天老有在時策貧無負郭田隱之流澤遠重  
見詠貪泉  
離亭對綺筵把酒聽鳴絃路轉橋妨馬江浮水  
接天漁村晴曬網畚火暖燒田只爲蒼生出無  
心問酒泉

題羲之墨沼圖

風流晉右軍千古播清芬羽客鳴寒磬留人坐  
白雲鷗波生筆陣墨沼亂鶩羣却笑曾書破羊

白練裘

閒居寫懷

獨賞寒芳老紅花意懶簪世途輕白髮交態重  
黃金誰著謝公屐來聽叔夜琴乘春尋酒伴臨  
水滌煩襟

江流天地外山色有無中

林亭閒寄傲極目浩無邊山歛雲藏樹江浮水  
接天征鴻歸楚塞斜日下襄川留得山翁醉清  
風幾百年



疑秀軒爲新安人作

地接古新安人閒樂考槃溪聲當坐聽秋色捲  
簾看小逕留殘靄遙峰生暮寒扁舟會乘興應  
與結詩壇

市樓春眺

危樓逼星斗帶郭亦山林雨歇晚峰淨湖平春  
水深落花增感慨明月憶登臨欲讀高人傳塵  
埃滿素琴

西墅看雲

清曉臨西墅白雲生遠峰濃陰遮徑竹輕靄落  
庭松帶雨隨孤艇穿林翳晚鐘倚欄人不見淒  
絕聽鳴蛩

和卓德新韻

雨歇晚峰淨橋平秋水深賓鴻江上字楊柳笛  
中音對菊須傾酒思山欲借琴故人重聚首爲  
我細論心

送陳生之博羅省親

爲客經漳浦寧親入博羅地蒸花木異峰斷水



田多彩服乘春著新詩對月哦先賢有遺跡  
重拜東坡主之辨

危危味卓濟滌離亦山休雨亦亦山休雨亦亦山休雨亦

蘇離蘇蘇離蘇蘇離蘇蘇離蘇蘇離蘇蘇離蘇

致致致致致致致致致致致致致致致致

青青青青青青青青青青青青青青青青

石倉十二代詩選

明次集卷七十八

梅菴集

大明

長樂李叔玉著

後學曹學佺閱

題畫竹

君家碧疏見清影別是一段淇園秋何人筆底  
得天趣云是東吳夏瑞州瑞州胸中竹如簣一  
枝一葉良可惜却笑蕭郎技癢時手戰眼昏頭  
雪白興來雷從地中出萬籜須臾起蒼壁翩遷  
彩鳳羽欲墮偃蹇青虬勢安敵仙郎何以得此



幅邀我題詩記真跡醉後操觚一揮灑不讓王  
維有聲畫公餘坐對夜深時明月清風不論價

草庭卷為嘉興周生題

一室窮年究六經春來芳草滿閒庭暖隨霽月  
侵空翠晴轉光風拂幔青酒趣每同生意好詩  
懷曾逐夢魂醒濂溪鼻祖相傳後千載雲仍紹  
德馨

東嵐秋思為江田謝家題

東嵐別是一人寰煙水蒼茫島嶼間猿嘯空林

朝霧薄鴻歸斷渚夕陽殘漁人尚識桃源路  
子還尋石室山桑梓別來今已拱不知遼鶴幾  
時還

題愛閒卷

羨子中年即愛閒了然榮辱不相干休官彭澤  
思陶令載妓東山憶謝安坐久白雲生半榻睡  
醒紅日上三竿寒余賸有煙霞想自愧功名脫  
屣難

送陳永祥之惠州太守



歷代詩選  
明  
棘寺祥刑屬老成至今輿論誦持平舊時傾蓋  
投交好此日分符沐寵榮鳴珮曉辭雙鳳闕揚  
帆秋度五羊城知君志操懷清白一幅冰綃贈  
遠行

淮陰漂母墓

古墓荒蕪何處尋青山隱隱帶淮陰當年不進  
王孫食此日誰知漂母心芳草斷碑秋寂寂斜  
陽低樹晚沈沈登臨一奠懷今古醉倚西風動

越吟

六平山

九日秋高日尚炎六平山水聳遐瞻喜茲洛社  
賓朋集愛此林泉吏隱兼濯熱忽臨東澗曲登  
高直造首山巔菊花燦爛盈頭插蓁莽離披累  
手拈張旭三杯聞大笑太丘羣子奮雙髯廣文  
磊落襟懷爽學士風流酒令嚴石鼎聯詩茶共  
啜瓦爐煎酒火頻添不須公子調冰水安得佳  
人露玉織鶴唳千崑秋霧薄松號萬壑晚風恬  
樽前丹桂飄金粟石上蒼藤掛素蟾此會明年



誰最健勝遊今日我何厭從教月色隨人影不  
覺涼飈墮帽檐記取六平同賞處老夫應合誦

陶潛

附陳鈞

字德衡閩縣人成化中  
歲貢訓導有蔗軒集

送羅殿元倫復京

朝擢龍頭第一人除書夕捧下南閩荆州幸識  
非常士宣室翻思放逐臣視草每尋宮燭夜看  
花重醉御林春祇今要路無榛棘長策君門自  
在陳

友人鄭鏘客久不歸却寄

遠遊欣撫一張琴曲盡寧無百感侵白髮倚闥  
慈母淚華箋擇句故人心幽尋不必題凡鳥卧  
病猶能賦上林明日柴關誰復掃莫教天外歎  
秋深

過九鯉湖卽景

草色行亭徑路賒數聲啼鳥舊煙霞千山雜出  
雲邊樹一水長生澗底花石鼎丹成猶伏火瑤  
臺人去不思家尋真幸借天風便何異當年漢



使槎

明妃出塞

淡掃蛾眉出九重，徘徊馬上顧飛鴻。  
月餘金屋繁華外，雪滿羶城朔漠中。  
若使稽圖刑畫士，何如申法戮元戎。  
黃雲青塚空埋玉，終古香魂返故宮。

呈陳獻章先生

洙泗源流一派東，若為山斗仰文宗。  
寫懷每見傾三峽，飛夢空傳到九重。  
老去無心嗟失馬，生

來有志慕乘龍，聖賢物色浮雲外。  
何事當年祿萬鐘。

輓李忠先生

蚤折天香覲九重，一官遙拜赴黉宮。  
江城慣識馮唐面，俎豆難收李廣功。  
白社無期延酒聖，青襟有恨失文雄。  
屋梁月落懷人處，不見魂來楓雪中。

逢中別李景和

客邸相逢不盡歡，倏別我壯心寒。  
可無魚水



應難比縱有鶯花也倦看廿載劉黃猶下第三  
湘賈誼未還官丈夫本是剛腸者對此呻吟淚  
已彈

送李景和改任夔州

人生飄忽百年間此別聞歌思渺漫我顧一身  
如在客君當萬里獨之官行期不計巴山遠歸  
夢何妨蜀道難縱有啼猿嘲宦况更無清淚滴  
欄干

夜宿平遠臺有懷德海上人

鄭谷詩臺曠賞音遠公臺上復追尋當年假  
花同醉此日敲門竹共吟風細爐煙浮下界月  
明經梵出叢林虎谿別後登臨少雲水懷人隔  
古今

感今傷古爲故人鄭汝實作

世事浮沈與屈伸英雄幾見困風塵漢灰零落  
中山喬宋鼎流移瘴海濱天道無知長吉天人  
心有恨孟郊貧停雲緬想行藏處劒倚南桴看  
北辰



題林克韶巢雲亭

阿誰飛構號巢雲  
雲護幽棲趣不羣  
際晚鈎簾來縹緲  
乘時排闥見氤氲  
江南有句應思我  
隴上無言可贈君  
對景豁然成一嘯  
天光繚繞此中分

懷歸

無情歲月去如流  
眼底蹉跎兩鬢秋  
不是馮唐元易老  
祇緣宋玉獨多愁  
思家舊業如江燕  
結社初心似海鷗  
明日長歌雲外笠  
五湖添箇釣

魚舟

慰友人趙希實

纔騎竹馬逐兒曹  
轉眼相逢總二毛  
顧我不才慙襖線  
嗟君長病卧蓬蒿  
曾投月下陳遵轄  
枉憶霜前范叔袍  
幾度倚樓天外望  
桐江惟有客星高

釣臺懷古

古臺斜瞰大江湄  
高節清風一釣絲  
劍氣若依龍去久  
璽書應怪鳳來遲  
狂奴故態君能識  
諸



歷代詩選 明陳德復  
將中興我不知回首英雄西漢士韓彭何事使人疑

謝祭酒林亨大寄書

身恩渾未報涓埃便把丹心變死灰三徑秋容  
今在菊六橋寒思獨關梅鄙夫自是貪佳遜明  
主何曾弃不才霄漢故人猶有意遠憑鴻雁寄  
書來

與李景和敘情

每因風景負幽期聊折寒梅寄一枝吳下阿蒙

非舊日郢中高曲卽當時聽雞走馬君須努附  
鳳攀龍我不知若使煙霞換臺閣孟郊韓愈自  
相隨

咸陽懷古

六王圖像舊山河萬里經營政自苛牧馬胡兒  
南下少聞雞秦卒北行多蒙恬事業知何在賈  
誼文章信不磨撚指光陰纔二世沛人中唱大  
風歌

偕諸弟登方山



笑入方岩翠幾重  
惠連羣從躡行蹤  
平臨怪石乘奔馬  
俯視長江見躍龍  
花老仙源青嶂合  
草深樵徑白雲封  
興闌酒醒黃昏近  
猶在蓬萊第一峰

天順改元

八鑾乘捷返南軒  
重沐恩光賀紀元  
周室山河歸正統  
郭隣風雨鎖流言  
青宮已見祥霓集  
紫語猶聞大業存  
慷慨不須歌玉樹  
太平還奏舊雲門

寄嘲李蘇州廷美

十里榕陰綠野堂  
白眉青眼着腰黃  
登龍意氣誰同轍  
倚馬才華獨擅場  
酒勝啜殘杯月小  
詩豪吟破鏡天長  
當年試問憑何物  
惱亂蘇州刺史腸

送周勉仁司訓考滿之京

十年萍梗各西東  
故里今朝喜再逢  
曉日有盤堆苜蓿  
秋江無樹怨芙蓉  
君門奏最文偏重  
客路看花酒正釀  
愧我若逢知己問  
爲言嗟苦髮



蓬鬆

林景清

連江人有竹窗小稿

送高孔明貢元朝京

大明啓文運奎光燭寰區六經脩治教四海宗  
唐虞英才育庠序科貢惟兩途歲時重遴選濟  
濟登天衢偉哉高夫子世業稱名儒窮經務深  
造秉志懷遠圖場屋屢弗利烏兔驚奔趨楚山  
隱良璞滄海遺明珠秋來忽充貢別我遊皇都  
孤舟艤江曲情深倒玉壺蘋花弄秋水霜葉颯

高梧執袂忍分手感時心轉孤去去勿淹滯金  
門曳長裾

往山東獨宿城東驛適中秋見月不寐有

懷賦此

丈夫四方志高遠當自期四十尚未遇我生將  
何爲此身類萍梗飄飄隨所之去年當此夕莆  
陽歎別離今年况在客又值中秋時明月不我  
弃萬里長相隨碧落淨如洗清光滿無虧幽懷  
觸佳景技癢誰能醫恨無知音者酌我碧玉卮



就寢苦不寐起步當前墀涼風濕我巾金風吹  
我衣徙倚恣瞻翫徘徊動遐思親闈隔山海清  
樽知共誰栢臺憶良契對此爭光輝仙舟有同  
侶買醉情怡怡獨我抱孤悶勞勞客天涯問月  
月不答隨雲向西馳

臨清登舟懷故鄉諸碁會

秋光忽已半暗蛩作寒聲堤柳漸落葉風露涌  
淒清客懷易成感迢迢故鄉情城東有別墅朝  
夕聚羣英手談復觴詠絕無塵慮生愧我獨何  
爲勞勞苦浮名孤舟煙水上遠道恒心驚

上祭酒丘先生

生本凡庸子家居閩海涯少小頗知覺向善心  
孜孜長大事儒業執經遊泮池竊廩踰十載五  
科皆見遺年歲苦相迫發身無他岐慈母早弃  
背巖翁霜鬢垂顯揚失初志驚惕徒嗟咨池魚  
不自化籠鳥將安飛鱗羽縱脩飭違時深見譏  
偶爾遇恩詔輸粟來京畿懷報若不避養祿圖  
孝思幸得橋門路拜瞻我宗師造就蒙至教聞



見增新知滿擬策駑鈍于時當脫羈詎意蹈前  
轍所謀轉乖違行取限名次三年尚無期迢迢  
八千路家山音信稀歸計既弗遂行囊亦無資  
濫叨餬口計數子來相依深冬忽抱病請借求  
良醫適遇行禁罰謬坐違嚴規誠恪莫自愬頑  
梗混同歸舊館不久復生徒各分離日給仰無  
助寸心恒自持此情不得已卧地干霜威笞辱  
固自取迫切還可推豈不深揣量叩叩陳苦詞  
班門衆所畏操斧非所宜但謂師弟子恩義兼  
有之情或信可憫徃過寧復追雷霆雖震擊雨  
露多沾濡我師體天者願言鑑愚癡

美人圖

曉院沈沈春晝長曲欄風暖錦屏香碧紗窗前  
罷梳洗金蓮緩蹴雙鴛鴦小娃展圖供玩畢對  
語雕牀情自適靈鵲枝頭報喜聲標梅正是花  
生實

題余千兵梅花圖

將門豪客城東住手植梅花三五樹爲愛寒香



歷代詩選 明本集卷之三  
戶鎮開坐對梅花日成趣風流太守爲寫真老  
手筆精妙入神半幅溪藤奪造化枝南枝北爭  
先春花如綴玉柯如鐵標格由來自高潔髣髴  
西湖起朔風滿林瓊樹飄晴雪豪客幽情誰得  
知對花看畫兩相宜昨朝畱我花下酌濡毫索  
取題新詩

梅竹圖爲劉錦衣乃弟題

金臺有客簪纓族和氣哀然清可掬殷勤携軸  
過我門索取長篇賦梅竹致和老手妙入神襟

懷磊落出風塵扁舟曾度涓川曲尋芳重過西  
湖濱于時隆寒朔風冽萬木千花盡摧折惟餘  
梅竹抱貞姿撫景吟看總奇絕恍若驪龍一夜  
噴萬珠又如素鸞奮翼凌空虛雪霽暗香浮馥  
郁月明清影弄扶疎君不見林和靖隱居不受  
公家聘放宦西湖日賦詩只與梅花樂情性又  
不見王子猷平生愛竹無已時吳中士夫有佳  
景肩輿不問直造之梅竹于人有如此凡卉紛  
紛何足擬無怪雲泉老致和歸來寫入吳縑裏



潘君持贈托意深也知友道重千金他日披圖  
遠相憶還期全保歲寒心

疎花待月圖爲王宗式題

陰雲蔽天天作雪朔風捲地地欲裂園林百卉  
盡凋零惟有梅花逞孤絕根盤大地老如龍柯  
飽風霜勁于鐵南枝向暖先漏春北枝禁寒猶  
待月月光未出花未開月與梅花暗相結花神  
問月何遲遲月道陰雲久蔽之雲開月出花始  
放月照花神光陸離暗香飄拂天風度疎影橫

斜映窗戶對月看花酌鉅觴他日尋盟不相負

牧羊圖

山南碧坡春草香山下合流春水長楊柳風前  
氣蕭爽原是田家出牧場牧兒放牛依水草坐  
石眠雲情自好偷閒學得弄山禽夕陽在山牛  
亦飽隔崦茅簷舊世居朝出煙村暮返閭牛尾  
何須縛田火牛角何曾挂漢書蓑衣箬笠紅塵  
表萬事忘機心不擾明日公田布穀催一犁耕  
趣南村曉



題龍

春雷一夜天池震七澤濛濛煙雨暝數聲驚起  
 卧潭龍怒捲銀濤飛萬仞黑雲影裏露奇形鱗  
 甲錯落光縱橫鬚鬣奮張聳頭角炯炯射海雙  
 瞳明伊誰老手妙無敵奪得天機歸筆力所翁  
 之後豈無傳只恐驚愁山鬼泣龍兮龍兮真有  
 神須史變化隨屈伸何當吸盡滄海水徧澤枯  
 槁皆回春

題虎

壯哉負猛氣玄文連舊斑雙睛夾明鏡據地當  
 南山南山百獸不敢出遠近聞風心膽慄空林  
 巡遶張雄威掉尾磨牙如待食一聲長嘯懾萬  
 夫松梢靈鵲驚相呼飛雲谷口日將暮大風颯  
 颯吹黃蘆吁嗟惡性本可怕人有善心當感化  
 君不見劉琨牧伯異政多負子曾看遠渡河

題煮雪卷

玄冥凜冽風氣剛同雲蔽野天無光漫空柳絮  
 亂飛舞大地一色瓊瑤粧先生臞然坐茅屋左



有圖書右筆牀竹爐石鼎燒楮須臾取雪烹  
成湯武夷游子多相識龍芽雀舌隨意將陶家  
近可說風味党尉不必誇羔羊一啜能令睡魔  
走再啜齒頰生餘香三啜搜枯句已就澹然意  
趣偏悠長翻憶天厨大嚼者經年戶素何所償  
安得相從語清絕一洗紛紛腥穢腸

題楊金吾忠夫湖陰夢卷

墨花仙吏當少年時常爲湖陰遊而得仙樓  
夢覺而異之形諸詩歌蓋以紀勝遊之奇事

也仙吏平生性不羈有才思凡海內名山大  
川騷人墨士必欲與之神會心得然後已故  
其經歷之處山靈水仙秀氣相符而夢寐每  
相感焉昔揭曼碩放舟江上有盤塘之遇林  
子羽載酒登山有瑤華之夢二君紀實詩文  
尚載簡冊此皆二君未遇時所有者厥後曼  
碩名登玉堂子羽位列粉署豈非山川靈秀  
之之神之先知耶噫以仙吏昔日未仕有仙  
樓之夢今日旣仕有名價之隆他日爵位崇



高駉駉未已較諸二君之事業其亦異世而  
同風者歟予因覽其所作為識其事且用續  
貂于左方  
墨花仙吏江東彥蘊藉風流豈多見琴鶴相隨  
一葉舟名山大川覽將徧湖陰形勝天下奇雲  
帆過此多新詩山川神欲與之會忽作美人來  
夢思含羞故向東風立髣髴花前舊相識蛾眉  
半掃橫春山星眸兩點凝秋碧兩娃前導門徑  
幽美人携手登仙樓樓中圖史盈几案一洗仙

吏平生愁美人起通問仙吏情恍然須臾侍兒  
列春宴八珍九鼎羅樽前一觴一詠歡無極恨  
莫揮戈留白日句句含情如有求酒闌更入凝  
香室雕牀繡褥飛鳳皇錦衾寶枕聯鴛鴦美人  
細語知名久班馬才華獨擅場奇逢自古真難  
得始信千金當一刻夢覺孤篷別有天乳鴉啼  
樹東方白

和卓怡秋琳井幽居韻

識破浮榮早悠然戀故栖雨香花滿塢苔破笋



穿泥兀坐江天晚長歌山月低曉來值隣叟授  
簡索新題

卜築塵市外風景最幽奇有子閒偏樂無官懶  
亦宜白雲依渚靜紅日上窗遲試向林頭望山  
光總是詩

水口驛寄三山諸友

一束琴書上使槎為承嚴命赴天涯九秋風露  
將寒早千里關河去路賒驛舍逢人頻送酒鄉  
途笑我亦思家遙瞻雲樹雙眸潤吟倚孤篷日

又斜

到京拜懶菴先生不遇寄詩山庄趣之

十幅征帆破曉煙因過白下繫江船瞻依山斗  
情何限跋涉關河路幾千杯酒笑談期再續人  
生會合苦難全悠悠多少胸中事寫入新詩寄

輞川

歸舟度姑蘇驛

姑蘇南去望松陵纔過長亭又短亭客舫笙歌  
聞斷岍漁村燈火起寒汀歸心逐逐雲邊鳥行



歷代詩選

明林何宿

六

蹟漂漂水上萍  
閩路三千何日到  
推篷吟對晚山青

送袁玉成畫史歸莆

胸中丘壑筆端移  
為客三山又許時  
夜雨不禁孤館夢  
秋風偏起故園思  
交情錦軸詩千首  
送別陽關酒滿卮  
他日壺山相憶處  
嶺梅母惜寄南枝

送施克禮遊南都

子長聲價重璠璵  
又上仙舟入帝都  
千里多情

懷故舊十年清  
夢憶江湖停雲黎嶺詩堪咏  
對月蘇臺酒易沽  
客邸相看風物好  
謾將歸興托

蓴鱸

和魏竹溪秋後病起詩韻

華屋沈沈覆綠陰  
柴門靜掩碧苔深  
閒情卧聽南山雨  
清夢驚回午夜砧  
酒熟可招隣叟醉  
功成不愧古人心  
傳家畱得蘭亭墨  
閒向窗前教子臨

元夕臺江賞燈

歷代詩選

明林何宿

六

次集卷七十八

七



歷代詩選

明林何名

天

散步城南與未厭太平風景藹閭閻歌聲笑語  
 家家沸月色燈光處處兼玉燭春調元有自金  
 吾夜禁不須嚴醉欹烏帽東風軟火樹銀花壓  
 四簷  
 秋後病起述懷  
 暗數流光似擲梭平生事業愧蹉跎不堪卧病  
 經旬久添得新愁萬種多籬菊幽香纔破萼并  
 梧涼葉乍辭柯扶筇試向窗前看強學吟翁  
 醉歌

和高太守放歸詩韻  
 百年功業喜能成便覺浮榮一羽輕秋舍重尋  
 雞黍約寒江新結鷺鷥盟菊松籬落歸何早風  
 雨波濤夢不驚獨上高城盼縱目青山天外暮  
 雲平

東洲清隱卷

薜蘿門逕掩清風高隱東洲有此公新篔常開  
 留客醉舊書多積課兒攻東林牧散秋雲外遠  
 浦漁歌夕照中笑傲乾坤雙眼濶好懷收拾入

歷代詩選

月木竹窗

次集卷七十八

了



詩筒

應例朝京辭學

十載寒窗聽曉雞每將黃卷對青藜獨憐白髮  
猶無養謾道青雲別有梯帝闕且沾新雨露橋  
門還理舊筌蹄祇今聖代多求駿未許駑駘價  
自低

過蘭溪卽景

重向蘭江上畫船推篷撫景尚依然浮梁貼水  
如平地古塔凌虛欲碍天白日催人馳遠道青

山笑我負芳年明朝又過嚴灘下愧說爭揚祖  
逖鞭

十六晚度青川驛懷石憲使

淮陽愴別已多時夙夜常懷命駕私素志乖違  
離膝下微躬牢落向天涯西風衰柳寒蟬咽落  
日荒村瘦馬遲却憶霜臺人似玉一樽何日話  
襟期

十七夜宿苾村鋪曉行

千里尋盟度遠山人會合許多難間關道路



驚秋暮索漠風沙起夜寒懷別此宵猶客邸相  
逢何日向臺端月明茅店雞聲早僕從相催又  
據鞍

至京與嚴尚寶話舊人於王一辨四日  
記得潼川從宦日相逢俱是少年時東風紫陌  
春遊慣疎雨寒燈夜卧遲南北可堪相別恨窮  
通深愧負交期于今又是都門會心事惟應鮑  
叔知

呈姜天官廷憲

從宦當年此地遊登龍喜逐識荆州江湖一別  
八千里京國重逢三十秋紫禁承恩偏浩蕩寒  
窗刻志尚淹留相知亦有常何在但愧無才似  
馬周

送曾廷瑞還鄉

賢關名籍喜相聯忍向都門醉別筵驛路東風  
迎綵旆樓船春水坐青天異鄉景物歸詩酒壯  
歲功名在簡編明到三山逢故舊細將羈况語  
燈前



寄孔容妻弟

城西別酒借同斟轉眼年光兩度侵笑語幾番  
鄉夢遠音書千里故情深關心老父增頭白唾  
手微官尚陸沈處世多愁應類子青燈都付短  
長吟

京闈下第適遇重九感懷

改轍觀光上國遊半生懷抱未能酬佳名此日  
爲重九潦倒黃花又一秋舊史重溫情戀戀白  
雲遙望思悠悠空齋晝靜如年永四壁寒蛩送

暮愁

斫桂曾將大斧磨雲深何處覓枝柯登樓有賦  
悲王粲抱璞無人識卞和南國征鴻通信杳異  
鄉風景入愁多高堂翹首聞天外從此應添兩  
鬢皤

門掩西風下第時偏驚物候感睽離雁知秋信  
歸何早人比黃花發更遲謾道不才當宁弃都  
緣薄命主司遺玉堂退食開清宴孤負燈前預  
賀詩



臘月朔日大雪次林上人韻

深冬一夜六花飛  
曉起衝寒酒力微  
野馬漫空同白戰  
仙禽何處認巢歸  
皚皚終日埋周道  
片片隨風上客衣  
莫訝南窗僵卧久  
從來車馬到門稀

秋風呈莆田林秋官待用

秋臺袍笏際明時  
幼學功夫肯自疑  
白日妖狐正當道  
朝陽彩鳳獨鳴岐  
忘身苦爲蒼生計  
特詔還蒙聖主知  
天北天南雲樹渺  
相逢今日

慰相思

題王用虔乃尊西畊卷

望望雲莊接滄川  
謀生事業只依然  
披殘谷口一簑雨  
畊破村西三畝煙  
隣叟請期迎社日  
野人懷惠說豐年  
南陽莘野遺風遠  
千古芳名可並傳

望蘭亭

地迥亭孤煙樹蒼  
登臨未遂笑空忙  
茂林南望依然竹  
曲水東流不復觴  
一代人豪還說晉  
千



歷代詩選

明林竹窗

十四

金墨跡已歸唐乾坤俯仰成今古惟有殘碑卧  
夕陽

久雨感懷

舟度山陰值早春淹留道院忽經旬江湖自愧  
離家久風雨誰能過我頻楊柳含情撩別思子  
規饒舌勸歸人直須便整行裝去南望雲山是  
八閩

舟次黃葉村山水泛漲

拍拍溪流漲水痕小舟難度泊荒村酒家不許

人賒飲風雨瀟瀟緊閉門

過鉛山途中卽景

疎籬茅屋傍青山竹映梅花雪未殘安得吳綾  
裁八尺倩人移入畫圖看

題金絲狗

黃耳金毛耀兩睛附書曾報主人情太平籬落  
長年靜不向花村吠月明

二月望日從鎮守繡衣遊鼓山

着屐尋幽到上方遐心肯向暫時忘白雲飛處

歷代詩選

明林竹窗

次集卷七十八

十五



千山隔東望連川是故鄉

其二

坐閱江山會此亭天風拂面酒微醒  
長空一望春無際落日千峰鳥外青

寄蘇州李郡伯藍別駕樊節推

同鄉交好復同官嘉會如斯自古難  
退食黃堂作閩語蘇臺明月醉中看

城南別業為楊揮使題

虛亭臨水八窗開旋切金鱗薦酒杯  
半醉半醒

隨偃卧藕花風細枕邊來

題扇面鶴鶉

秋入郊原粟正肥山禽成隊啄斜暉  
爭雄莫向雕籠鬪零落西風百結衣

寄大義陳野航

明月光洄水底天野航常傍荻花前  
山翁吟罷如泥醉一枕江風自在眠  
十載交遊托故知登堂幾度醉題詩  
琅峰昨夜中天月照我清光減舊時



歷代詩選 明林竹窗

寄陳德符

野有腴田橐有金更無塵事挂閒心日高三丈  
眠初起山鳥隔林啼正深

題淵明像

南山秋色滿東籬彭澤歸來髮未絲白酒黃花  
聊自足扶筇絕勝折腰時

林景清號竹窗連江人隸籍府庠食廩餼五  
試不第援例入太學成化間授湖廣興國州  
判官雅善草書吾鄉自永樂中王太史孟揚

工于八法繼孟揚者竹窗也少年遊金陵與  
名妓邵玉香狎賦有一清軒詩多豔詞情語  
手書一卷向藏余家謝在杭喜其風流韻致  
字法精工從余索去陳汝翔採其詩于晉安  
逸志而先生全藁無從得也憶予少時有老  
學究持先生手藁欲售之先君因其索價高  
未之購歷三十餘年偶與友人倪柯古談及  
柯古乃尋學究而購之重加裝潢詩雖未甚  
奇警而書法之妙不減吳興予乃選其雅馴

歷代詩選

明林竹窗

次集卷七十八

廿七

心



者錄爲一帙以見先生之高標逸韻未泯于  
今也天啓三年夏日後學徐燭敬題  
右李梅菴陳蔗軒林竹窗三君皆予郡人亦  
全時也梅菴蔗軒詩不多見興公孫茂才器  
之于鳴春微響內手錄數十篇竹窗則有全  
集興公旣哀選之予再加刪潤合爲一帙庶  
見闡幽之意云能始氏

石倉十二代詩選

明次集卷七十八

終

石倉十二代詩選

明次集卷七十九

洞菴集

大明

三山李廷美著  
後學曹學佺閱

崇明踏災行

東明海外崇明沙天造地設誠堪誇由唐武德  
及昭代星羅碁布俱人家膏腴萬頃平如掌菽  
麥禾麻任生長農夫四序慶有秋戍卒頻年樂  
無恙客船漁舫千百艘波濤出沒如遊鼇鄉氓  
喜有魚鹽利縣令渾無案牘勞春風一動陰雲



唐才子傳卷之四  
明季伯春  
掃桃李村村照人好帥閫供儲不後期京師貢  
賦常輸早民安物阜九百年天意胡爲忽變遷  
龍爭鯨鬪西灣外螭舞蛟潛北渚邊長堤巨壑  
環阡陌日就崩頽漫通塞鹹湖幾度到城壕怪  
物鮮生食禾麥以茲年歲屢不豐十室比連九  
室空漁郎罷網悲殘月估客停帆怨逆風征徭  
逋負相追逐窮鄉徧是逃亾屋逃亾自弃還自  
傷半在江南半江北蕭蕭故壘荻蘆秋萋萋荒  
塚蒿萊稠大家門外埋青草古寺基前泛白鷗

我來觀風長太息歷向人間訪陳迹携鋤荷篠  
行且驚戴白垂髻走而泣肩輿逡巡三日程滿  
目淒涼不斷情庸醫莫療膏肓疾拙婦難調藜  
蕨羹暮歸默默無奇策孤燭熒熒帶愁色湘靈  
飲恨金徽絕羽客懷仙洞簫歇狂來擊碎珊瑚  
枝陳懷欲訴天翁知女媧頭顱可汗血神禹手  
足須胼胝乃知造化有常理陰陽消長旋終始  
山川流峙性本然滄海桑田戲人耳

送楊維新歸四明省親



我昔隱居白雲邊耳聞學士楊大年比來偶爾  
識丰采歸然如睹蓬壺仙雲霄籍籍紛簪組學  
士才華獨奇古史筆渾雄司馬遷詞源浩瀚唐  
韓愈十年坐對玉堂春九重眷顧應殊倫大羹  
未試調和手陳情暫乞歸寧親都城八月秋風  
早浮雲捲盡天如掃拜寵初辭五鳳樓香車便  
出長安道大通橋頭流水杏槐陰細細槐花黃  
臨岐酌酒一爲別興發不辭歸路長畫船錦纜  
波千頃客散風恬醉初醒兩岫斜陽萬里情半

一斜日孤帆影行行遙指浙東城天際透迤不  
青蘇臺月色吟邊見鄞水潮聲夢裏聽倚門  
慈母頭如雪宮錦新衣懶不着玄暉登堂夙願  
償曾參調膳離憂歛故山依舊故人疎弔古登  
高思有餘重門日暖高軒屨曲巷頻迴長者車  
一時遊樂未知極轉頭便見梅花白海味雖甘  
久任人文星長照東歸客吾皇圖治初勵精  
瓦缶毀棄黃鐘鳴先生欲副蒼生望移孝爲忠  
是別情



送何廷秀之任福建

我聞先生未出仕丹鳳之雛驥之子腹中經史  
五岳雲筆下詞源三峽水早探月窟攀天香春  
官典禮列帝旁金玉持心槿茶節文繡爲服虀  
塩勝年來移典秋臺獄朗然一朵光明燭平反  
人擬張釋之果斷時稱包孝肅紛紛勢利鴻毛  
輕公餘半榻和風生小軒可比石渠富空庭不  
減玉堂清狂瀾百折東下疾砥柱中流山屹立  
三公八俊少相知五侯七貴誰能識天官冢宰

新拜麻鑑衡一舉憐才華薦書三上沐俞允欵  
動吾閩億萬家鳳池日暖雨初歇緋袍金帶駢  
丹闕匹馬驅馳薊北塵孤舟蕩漾淮南月吾閩  
僻在天南邊海濱鄒魯舊相傳士有恒心賈有  
積女勤蠶織男勤田憶從草寇相荼毒窮鄉半  
是逃亾屋野樹風凋柯葉枯水田隄潰蒿萊沒  
天門萬里天不知復有苛政如繭絲金璫赫赫  
益響震玉壺凜凜連顛危我曹濫厠衣冠列閩  
水閩山久離別逢人偶說故鄉情頓覺愁懷心



內熱先生于我最相親此行百責難重陳致君  
堯舜平生志務令八部皆陽春

天門送趙進士瑤還泉州

識子何不早見子即傾倒朝來江上送客歸欲

行未行心草草子行逸思何飄飄神仙氣爽金

玉標去年曾占鰲頭選平地走馬如丹霄今年

召對五雲裏萬言一獻天顏喜此行深荷聖恩

饒人生際遇曾無幾都門三月麗人天軟紅嬌

紫爭春妍晴雲重遶勤北樹暖風獨送江南船

孤帆渺渺帶殘日一雁斜飛去無迹倚篷翻憶

新交遊回首金臺猶只尺到家想及紅香四

方觀者如堵牆固不學相如之歸蜀季子之還

鄉亦不學閉門脫塵俗舊書更把殷勤讀明年

有詔徵還朝早束行裝獻荆玉

送鄭大經教授順德為彭鳳儀作

京師三月春熙熙杏花未落楊花飛紫陌紅塵

撲人面何堪與客相別離念君與我共鄉縣淪

交自昔忘貧賤十年泮水對床眠萬里雲霄同



鶚薦一從看罷上林春宦海波各致身庄衡  
 抗疏精神倦劉向傳經事業新年華冉冉流  
 水每得君書悲復喜竭來邂逅未成歡又見青  
 氈逐行李望中何處是那臺百雉層城亦壯哉  
 磁川樹色雲邊見漳水山光天際開憐君此去  
 頭尚黑館下諸生眉半白棟樑榱桷不自成梗  
 楠梓杞維君擇太丘侍御我所知年來督學共  
 稱宜鷺車到日重掄秀定嘆英賢異昔時

榮壽堂為劉用行二親題

人生無百年光陰如反掌得意功名鮮有終無  
 情白髮偏能長何如劉氏美雙親伯鸞德曜堪  
 比倫荷衣蕙帶非忤俗裘布荆釵不為貧窮居  
 宴坐長相守朝看雲山暮杯酒鹿車不挽階下  
 霜麥舟每繫門前柳膝間產有六鳳雛翩翩文  
 采行相呼珍羞曉侍几筵立彩服日向庭闈趨  
 箇中一人眉最白青年來作金門客三載秋臺  
 凍壑冰一點丹心古厓柏 聖皇致理優臣工  
 敦本勸者行受封奎章宸翰繞紫鳳金函象軸



廼飛龍早朝勅下麒麟殿一道恩光到鄉縣翠  
壁紅泉鶴飲乾碧墅香泥鹿行徧內江百里俱  
騰歡出門一笑天地寬隣媪共看新寵婦邑人  
齊拜老秋官華堂初構東溪左四面清幽多  
可際地都栽碧色桃閒田盡種金光草世間甲  
子空悠悠星辰右轉水東流願得長繩千萬丈  
繫住西飛紅日頭

題林叔壯壁上飛鳴宿食蘆雁

寒塘九月風蕭索蓮花落盡蘆花白弟兄相聚

最多情全向塘中戀秋色長空千里雲霧收  
巢各有稻粱謀飛鳴宿食且適意切莫離羣過  
別洲

壽林母太安人

碧桃香萱草綠高堂宴坐人如玉紫霞滿酌黃  
金卮羽衣緩舞霓裳曲天涯遊子新歸來白頭  
一見心顏開烏紗視膳登玄暉彩服承歡戲老  
萊自言蔗境日西薄眼看三鳳巢阿閣君恩蕩  
蕩高雲天祖澤綿綿重山岳桑田滄海幾回春



王母麻姑卽世人縱然地上多龜鶴那似家中  
有鳳麟

送楊士偉佶充貢赴南畿秋闈

君年十五二十時雄詞健筆人共推功名失意  
等閒過不隨曲學爭奔馳春風吹起冲霄翼承  
恩賜對金鑾掖縱橫禮樂三千言鋪張王道皆  
忠赤客窗會我正忘情書來又向金陵行一尊  
綠酒沙頭別滿路青雲足下生金陵太學人如  
蟻試問如君能有幾大手須呈五鳳樓強弓擬

發穿楊技擴齋夫子是吾師別後蹉跎復歲餘

相逢爲問平安否莫咎踈慵少寄書

耆英會

正統丁卯同年謝琚王克復龔福潘岳四人

四人三百一十歲昔日仝年今日會少宰堂中

張綺筵風光迥出塵埃外兩兩歌童宮樣粧明  
眸皓齒聲相配美酒香茶雨露清奇花異卉燿  
霞藹座中有客稱病夫濶論高談恣忘愧醉來  
環坐空庭中碧天爲幕雲爲蓋侍童初進玉脂  
酥宰夫復薦金鱗膾共言遊樂終此宵莫向樽



前嗟老大君不見裴度投老歸東都堂開綠野  
名猶在又不見疏廣還家樂賜金只憂孫子生  
驕急何如留此方寸田不種桑麻惟種艾

又

四人三百一十歲相知始自鹿鳴會後來仕路  
各飛騰半在朝中半江外金犀橫帶謝與王事  
業功名兩相配龔藩白首尚為郎胸襟灑落春  
雲藹偉哉英達四老成用舍行藏總無愧會中  
同遊更五人惟我庸愚荷遮蓋竭來宴會少宰

堂百味珍羞雜葍膾酒行隨量坐序年不信  
身官小大古選新詩首首賡清風明月時時在  
聖恩如海長自深歸來豈為宦成怠祇今居處  
貴養心篋中那用三年艾

遊平遠臺

二十餘年泛海洋古臺名勝始重登身如方外  
遊虛子心似人間有髮僧雁帶寒來紅入葉梅  
驚秋老綠侵藤日斜酒盡山門晚千樹松濤瀉  
佛燈



烏石山

烏石蜿蜒勢若龍中峰疊出玉芙蓉四圍綠繞  
 城邊水幾點青來江上峰宋主蒙塵畱斷刻唐  
 儒馬賊有遺蹤酒闌未盡登臨興僧在翠微敲  
 暮鐘

又和韻

賞春聯騎到南山納納乾坤指顧間古碣有文  
 揮蘚看仙岩無路倚蘿攀釣龍臺下千艘集演  
 武場中萬馬閒自是聖朝多雨露白頭饒許

挂冠還

乙卯元夕感懷

滿城燈火雜笙歌老病其如好景何愁逐腸廻  
 偏作陣泪從心落欲成河風飄香去籠花塢月  
 射窗來照繭窩自笑平生最瀟灑不堪今夜寂  
 寥多

哭李和之

少小交游到白頭忽聞哀訃淚滂流孟郊不副  
 韓公望李白空貽杜甫愁經學一函傳菽粟詩



歷代詩選 明李仙舟  
歌千古憂琳瑯傷心何處尤堪痛旅櫬迢迢向  
首丘

送林世增之春闈

郭隗臺前信使還便携書劔出閩山濟時功業  
尊周召經世文章在孔顏杏苑探花三月裏楓  
宸獻玉寸陰間京華若問侗菴老萬頃雲頭一  
鶴閒

送許純嘏之春闈

英妙才華譽四馳秋風鶉薦上京師太冲久有

三都賦韓愈今無二鳥詞天下名山遊覽已道  
傍幽蹟和吟時浮雲富貴何須問要使香名勒  
鼎彝

李廷儀

字鳴鳳號質菴弘治三年進士廷美之弟

春曉詞

繁花落盡鶯聲老汀洲綠徧王孫草百尺遊絲  
拂地輕一爐沈水披香早長門深閉金鎖合小  
殿清幽玉堦掃遙見朱衣小隊來隔花低唱風  
光好



春夜詞

簷鏡鏗風春夢醒紫綾縮脫水肌冷瀼瀼玉露  
下空階半窗月弄庭花影含顰起視牛女星春  
山黛簇秋波凝闌干倚徧不成寐淒涼何處鞦  
韆聲

醉歌贈王時彥之京

功名樂少年棲遲淹老醜世事難重陳且飲杯  
中酒燈前快意漫高歌時下朱顏豈常有勸君  
痛飲君莫辭秋風落盡章臺柳古來賢達多不  
偶腰間寶劍作龍吼不用閒嗔里閨兒彼識吾  
曹是誰否君已醉我未醒起看東方明未明摩  
挲兩眼別君去酒徒誰復長安市

醉漁圖

短簑宿雨晞殘濕一竿深坐磯頭石捲綸歸去  
踏莎堤笠影斜翻半山日紅杏橋邊有酒家將  
魚換酒不須賒醉倒竹根呼不醒夢魂隨月入  
蘆花

枯木竹石



渴龍飲海海水枯稜撐怪石雲模糊媧皇不用  
補天漏長畱對此珊瑚株珊瑚十丈插雲表氣  
勢高壓扶桑曉晝長清氣寒欲凝一天涼思秋  
冥冥須臾鳳鳥西飛去九疑對面何青青

何處難忘酒

何處難忘酒寒衾夢覺時青銅欺短髮黃菊候  
歸期翹首懷千里論心乏故知此時無一盞何  
以慰遐私

登虎丘

山寺遙聞白虎蹲望中煙樹小江村臺遊麋鹿  
歌聲盡土蝕雌雄劍氣存霸業已銷無限恨吳  
宮空弔未歸魂憑高向晚孤吟處涼月踈鐘隔  
水聞

早朝

銀鑰春開虎豹關萬方拜舞玉珊珊銀河露濕  
金莖柱寶炬光搖玉笋班風落鈞天門左角雲  
扶帝座殿中間欲知盛世無爲意退食夔龍納  
諫還



招寶山

亂峰歷歷送秋煙翠島如螺海上連重譯南來  
 逢盛世逝波東注惜流年昔傳方士求僊去今  
 見將軍奏凱旋絕頂天風發長嘯大鵬西擊水  
 如天

舟中病起

短欄孤艇倚中流歷歷江山拭遠眸溪影翠搖  
 堤畔柳波光晴擁驛邊樓宦途故舊多青眼塵  
 世功名盡白頭蓬底纔憐寧寢夜又飛清夢繞

皇州

過淨居寺

浙浙西風着敝裘淨居長日水雲幽百年底事  
 空啼鳥幾處寒林自送秋白虎遶關山北拱青  
 龍夾道水東流肩輿南下重回首身在蓬山最  
 上頭

楊恒叔山堂聽雨限韻

昨夜畢星吾已占朝來雨氣映鬚髯不勞行蟻  
 先移穴且聽鳴鳩故傷簾滿地猩紅風片委半



池鴨綠夜痕添偶來一聚逢三益無限餘波醉  
裏沾

九日錫宴次韻

隱隱鐘聲出景陽傳宣錫宴近清光  
莫觴共祝無疆壽金鼎頻薰百和香  
內史分糕夸令節諸番入貢自遐方  
鹿鳴天寶賡歌徧擊筑何須說漢王

送陳駿之雷州教

潞許長歌泊小舸旋收紅葉煮霜螯  
雷庠今喜

君來重海國休云路去勞官舍綠屯  
椰葉暝講堂紅映荔枝高天邊作宦  
憐吾老愁入鄉園首重撥

送人還莆

帝里逢春柳可攀黃塵千丈拂衣還  
一官莫道是何物萬事不如歸故山  
黃菊喜迎高士醉白鷗今傍主人閒  
木蘭陂上應相待釣艇夷猶水一灣

寶坻道中



疋馬蕭蕭踏軟沙官亭駐馬夕陽斜帝城回首  
三百里民瘼關心幾萬家古巷夜深無吠犬新  
垣月落有啼鴉此行莫歎瞻依遠幾度羹牆見  
舜華

公出南康留別諸廣文

悠悠征旆擁前騶山館清虛且暫休公事已拚  
三日了廣文仍喜一樽留井邊梧葉新凋雨天  
上星河淡瀉秋明發溪頭歎分手離離芳草滿  
汀洲

懷聶三尹

堂堂歲月去駸駸纔見紅芳又綠陰春草天涯  
孤客恨暮雲江上故人心蠅蝸名利年來淡湖  
海交情老愈深欲整焦桐歌古調半簾疎雨漏  
聲沈

午飯瑠璃寺次韻

沙路透迤東復南午陰僧寺駐羸驂黃齏淡飯  
隨時飽土俗民情到處諳西嶠迎眸青靄靄晚  
風吹髮影毵毵驛亭一夜蕭蕭雨宦况離懷兩



不堪

祀張曲江祠

芙蓉疊疊擁梅關。霜落楓林色正斑。馬向雲中

馳鳥道人從海上見仙山。平時信史歆賢相。今

日雄祠拜古顏。千載英魂招不返。悲歌空踏亂

雲還

村居散步

杖藜徐步意逍遙。望裏風煙事事饒。偶遇腴田

思種木閒經斷澗欲營橋。農家傍竹門深掩古

廟依山字半銷。何處晚風吹古調。太平村落

歸樵

偶成

秋陰漠漠掩重門。寶鴨香銷火尚溫。南雁不傳

沙漠信。滿庭衰草自黃昏。

昭君引

曉承明詔別金鑾。上馬啼紅玉頰寒。寄語高壇

休拜將。空憑粉黛博龍安。

眠竹逕



歷代詩選  
小逕踈踈竹幾竿春風披拂長琅玕日長試展  
湘紋卧一枕蒼雲入夢寒

瓊花凍勒蒼龍骨法水低淋彩鳳翎愁絕英皇  
渾不語九疑相對數峰青

十日春無一日晴玉階芳草傷愁生簾門靜掩  
飛紅亂聽盡流鶯自在聲

灌隴圖

灌隴雨晴春水生人人驅犢隴頭耕太平不在  
笙歌裏只聽前村打稻聲

山中酒熟

松花酒熟菊花期野老門開對石磯便喚隣翁  
相對飲一簾踈雨看霏霏

送王典史

雲邊驛路天低樹篷底寒聲雁報秋記取西風  
送君處離離蘅杜滿芳洲

青郊歸牧



庶草敷榮翠滿墟夕陽歸牧雨晴初清時只唱  
昇平曲牛角何心挂漢書

寄李天瑞


花陰寂寂漏沈沈孤館殘燈別恨深遙憶去年  
寒食後滿天風雨夜同衾

送春

留春無計奈春何滿地鶯聲綠樹多癡蝶紛紛  
少情思尚饜餘馥抱殘柯

揚州逢鄉人

鄉人不識識鄉音欲問先看淚滿襟豈是不知  
兒女態天涯孤客易傷心



石倉十二代詩選

明次集卷七十九



十二月廿一日

博定來送廿十日

寒食後滿天風雨夜同春  
春無計奈春何滿地  
良女怨天賦亦容長  
醉人不歸滿地春何滿地

良女怨天賦亦容長





